

Ҳадис 179-дарс. Аллоҳ таолонинг розилигини ўйлаб иш тутиш



19:00 / 13.04.2022 6188

نَمَّ لَأَق مَلَسُو هِي لَع هَلَلَا يَلَصِّي بِن لَلِنَع، هُنَّ عُلَلَا يَضَرَّ رِيَّ بَأَنَع
أَيُّ نَدَلَا نَمَ أَضَرَ عَوَّبَ بِي صُيْلُ أَلْإِ هُمَّ لَعَتَي أَلْهَلَلَا هَجَّ وَهَبَ يَغْتَبِّي أَمَّ أَمْلَع مَلَعَت
هَجَّ أَمُّ نَبَاو دُوَادُ وَبَأُ هَاوَرِيَّ مَ أَيُّ قُلَلَا مَوِيَّ هُنَّ جَلَا فَرَعُ يَجِّي مَل

Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам:

«Ким Аллоҳнинг розилиги талаб қилинадиган илмни фақат дунёнинг ўтқинчи матоҳига эришиш учун ўрганса, қиёмат куни жаннатнинг ҳидини ҳам топа олмайди», дедилар».

Абу Довуд ва Ибн Можа ривоят ривоят қилганлар.

Шарҳ: Исломда илм талаб қилиш, хусусан, динда фақиҳ бўлиш учун илм ўрганиш фақат Аллоҳ таолонинг розилиги учун бўлади. Шундай қилган одам икки дунёда ҳам бахт-саодатга эришади. Бу дунёда ҳурмат-эҳтиром ила ҳаёт кечиради, охирада эса жаннати маъводан жой олади. Аммо кимки диний илмларни, яъни ҳадисда айтилганидек, Аллоҳнинг розилиги талаб қилинадиган илмни дунёнинг ўткинчи матоҳига эришиш учун, яъни мансаб учун, пулу мол учун, риё учун ўрганса, жаннатнинг ҳидини ҳам топа олмайди. Шунинг учун диний илмларни талаб қилганда киши ўта ҳушёр бўлиши, ниятини соф қилиши, фақат Аллоҳ таолонинг розилигини ўйлаб иш тутиши керак.

«Ҳадис ва ҳаёт» китоби асосида тайёрланди